

Veronexe	per carati 11	cavali 627
Polexene	» » 3	» 171
Cologna	» » 11 1/2	» 85
Brexana	» » 18	» 1026
Crema	» » 2 1/2	» 142
Friul	» » 12	» 684
Bergamo	» » 9	» 513
	» » 88	» 5015

*Sumario di tutti quelli alozano per ditti te-
rriorii zente d'arme et altri provisionati,
et prima*

Signor Governador zeneral	cavali 1000
Signor Malatesta Bajon	» 478
Signor Janus Fregoso	» 458
Signor Zuan da Saxadelo	» 268
Conte Mercurio Bua	» 228
Signor Zuan Paulo Manfron	» 256
Signor cavalier da la Volpe	» 89
Domino Julio Manfron	» 208
Domino Antonio da Martinengo	» 208
Domino Camillo da Martinengo	» 208
Domino Pietro da Longena	» 208
Domino Zuan Batista da Fan.	» 156
Stratioti serveno in Friul	» 63

Provisionati.

Domino Rizino di Asola	cavali 25
Signor Zuan Cosaza	» 15
Domino Troylo Pignatelo	» 10
Domino Hanibal da Lenzo	» 10
Domino Farfarelo da Ravena	» 10
Domino Zuan di Naldo	» 10
Domino Giacomo da Vichovano	» 10
Domino Carlo di Strozi	» 10.
Domino Zuan Orsini	» 10
Domino Baldisera Signoreli	» 10
Domino Julio Scipion	» 10
Domino Thodaro dal Borgo	» 10
Domino Marian da Leze	» 10
Colateral general	» 8
El frate Bianco.	» 6
Per li orbi di Muzana	» 82

Summa cavali 4084

Alozamenti	cavali 5015
Alozati.	» 4084

Resta cavali 931

A dì 11, Domenega. La matina, non fo alcuna letera in Colegio. El Principe si fe' levar di leto, e volse vestirsi et udir messa in la sua camera et comunicarsi devotissimamente; et stando cussi, li vene un pocho di fastidio e fo messo in leto.

Da poi disnar, fo Gran Consejo. Posto prima la parte, per i Consieri, di elezer ozi il terzo Avogador extraordinario. Ave 1234, 160, 3, et fu presa. E fato eletion, rimase sier Francesco da cha' da Pexaro, è al luogo di Procuratori, qu. sier Hironimo. Tolti sier Zuan Antonio Venier, fo ai X Officii, qu. sier Giacomo Alvise, dopio, e non passò; et sier Piero Boldù, fo provedador sora le camere, qu. sier Leonardo. Ai X Savii, ni di Pregadi niun passoe. Tolto sier Sebastian Bernardo, fo governador di l'intrade per danari.

Se intese el Doxe star meio et esserli aperta la gamba per la qual buterà; sichè si pol dir star ben.

In questa sera, il Legato dil Papa, l'anno ottavo di la creazion sua, et in la caxa fo dil Marchexe di Ferara, qual il Papa presente ge l'ha donata in vita soa, dove l'habita, fece gran luminarie a la romana, poi sopra una corda che traversava el Canal grandò era un alboro apichato con assa' rochete. Era soni et canti; sichè un pezo si stete su piazieri.

Acadete cossa notanda, che un Zuan Gamba, corrier fidatissimo, qual a Roma questi dì di Fevver serguita che, portando danari di todeschi, ducati 2000, par che a l'intrar in Roma fusse ferito, come el diceva, e toltoli li danari e ferito il cavallo suo, e le letere che 'l portava do, era *etiam* quelle di la Signoria, disse butoe la valiza in uno fosso, fo trovada e le letere ave recapito, et cussi l'Orator scrisse a la Signoria. A ora par che, hessendo il ditto corrier ferido, andò da lui uno, qual doveva haver parte di danari che 'l portava, dicendoli: « Zuane, il Governador di Roma ha inteso questa è stà una rasa; sichè si tu vuol dirmi la verità, dando la mità di danari al Governador, e l'altra mità resti per toy, non sarà altro. » E tanto sape dir, che li cavò di bocha che li danari era in questa terra in una barila de vin negro, e che non li portoe ma fense averli, e fense esser stà ferito, che lui inslesso si ferite; e cussi scrisse letere di qui, e in questo mezo è venuta in luce taf cossa. Sarà privo per la Signoria di corier, *etiam* processo contro di lui; ma prima a Roma, si tien, il Governador farà iustitia de lui.

A dì 12. La matina, se intese il Doxe esser assa' miorato; pur Domenica fa la luna; va scorando, ma sta ben.

(1) La carta 192* è bianca.